



KOMISIONI QENDROR I ZGJEDHJEVE
KOMISIONERI SHTETËROR I ZGJEDHJEVE

Drejtoria e Administratës Zgjedhore

RELACION
PËR PROJEKTVENDIMIN

Data		
Nr.		
Prot		

PËR

CAKTIMIN E PARTIVE POLITIKE QË DO TË PROPOZOJNË ANËTARIN E TRETË DHE TË KATËRT
TË GRUPEVE TË NUMËRIMIT TË VOTAVE, PËR ZGJEDHJET E PJESHME PËR KRYETAR TË
BASHKISË KUKËS TË DATËS 24 SHTATOR 2023

I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI

Komisioneri Shtetëror i Zgjedhjeve, në zbatim të nenit 96, pika 2, të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, dhe Udhëzimit nr.5, datë 16.03.2021 të Komisionerit Shtetëror të Zgjedhjeve “Për procedurat e hedhjes së shortit për caktimin e partive politike që propozojnë anëtarin e tretë dhe të katërt të GNV”, organizon në seancë publike hedhjen e shortit, ndërmjet partive politike, për caktimin e partive politike që propozojnë anëtarin e tretë dhe të katërt të GNV-ve.

Për caktimin e partive politike që do të marrin pjesë në short, dhe që në bazë të rezultatit të tij do të fitojnë të drejtën për të propozuar anëtarin e tretë dhe të katërt të grupeve të numërimit të votave në ZAZ, Komisioneri bazohet në përcaktimet e Kodit Zgjedhor, konkretisht:

- Nenin 95, pika 2, parashikon se anëtari i tretë propozohet nga partitë politike të shumicës qeverisëse dhe anëtari i katërt emërohet pas propozimit të partive të opozitës që kanë të drejtë të propozojnë anëtarë të GNV-ve për ZAZ-të respektive, sipas procedurës së parashikuar në nenin 96 të këtij Kodi”;
- Nenin 96, pika 1, parashikon partitë politike që kanë të drejtë të propozojnë anëtarin e tretë dhe të katërt të GNV-ve, përveç partive që propozojnë kryetarin dhe nënkryetarin e KZAZ-së, përcaktohen pas hedhjes së shortit në KQZ ndërmjet listës së partive politike të shumicës parlamentare dhe listës së partive politike të opozitës parlamentare, të regjistruara në zgjedhje dhe që kanë fituar jo më pak se dy mandate në zgjedhjet pararendëse për Kuvendin e Shqipërisë. Në çdo rast, pas hedhjes së shortit për çdo ZAZ, të drejtën e propozimit për dy anëtarë të Grupit të Numërimit të Votave e ka një parti e shumicës parlamentare dhe një parti e opozitës parlamentare”.

II. PËRMBLEDHJE SHPJEGUESE E PËRMBAJTJES SË PROJEKTAKTIT

Me vendimin nr. 21, datë 13 Korrik 2021, Komisioni Rregullator ka shpallur rezultatin përfundimtar të zgjedhjeve të datës 25 Prill 2021 për Kuvendin e Shqipërisë. Numri i mandateve të fituara nga partitë politike është si më poshtë:

1. Partia Socialiste e Shqipërisë 74 mandate
2. Partia Demokratike 59 mandate
3. Lëvizja Socialiste për Integrim 4 mandate
4. Partia Socialdemokrate e Shqipërisë 3 mandate

Komisioneri Shtetëror i Zgjedhjeve, me vendimin nr.722, datë 19.08.2023 “Për caktimin e partive politike që do të propozojnë anëtarët dhe sekretarin e Komisionit të Zonës së Administrimit Zgjedhor nr. 11 për zgjedhjet e pjesshme për Kryetar të Bashkisë Kukës, të datës 24 shtator 2023”, ka caktuar partitë politike që kanë të drejtën të propozojnë anëtarët dhe sekretarin e KZAZ, konkretisht Partia Socialiste ka propozuar kryetarin e KZAZ-së dhe Partia e Lirisë ka propozuar zv.kryetarin e KZAZ-së.

Partitë politike që kanë të drejtën për të propozuar kryetarin dhe zëvendëskryetarin e KZAZ-ve, respektivisht Partia Socialiste e Shqipërisë dhe Partia e Lirisë (Lëvizja Socialiste për Integrim), nuk renditen në listën e partive që do të propozojnë anëtarin e tretë dhe të katërt të GNV-ve.

Parti politike që kanë fituar në zgjedhjet për Kuvendin të vitit 2021, jo më pak se dy mandate, përveç partive që propozojnë kryetarin dhe zëvendëskryetarin e KZAZ-së, janë Partia Demokratike dhe Partia Socialdemokrate e Shqipërisë.

Bazuar në nenin 64 të Kodit Zgjedhor, Partia Socialdemokrate nuk ka paraqitur kërkesë për t’u regjistruar si parti politike në zgjedhjet e datës 24 Shtator 2023 për Kryetar të Bashkisë Kukës, duke humbur të drejtën për të propozuar anëtarë të GNV.

Referuar nenit 2, pikat 2 dhe 3, të Udhëzimit nr.5, datë 16.03.2021 të Komisionerit Shtetëror të Zgjedhjeve “Për procedurat e hedhjes së shortit për caktimin e partive politike që propozojnë anëtarin e tretë dhe të katërt të GNV”:

- Shorti për anëtarin e tretë të GNV-ve, hidhet ndërmjet partive politike të shumicës parlamentare, ku në këtë rast nuk ka një parti të dytë të shumicës parlamentare që plotëson kriterin për të propozuar anëtarin e tretë të GNV-ve. E drejta për të propozuar i kalon në këtë rast partisë së vetme të shumicës parlamentare Partisë Socialiste të Shqipërisë.

- Shorti për anëtarin e katërt të GNV-ve, hidhet ndërmjet partive politike të opozitës parlamentare, ku Partia Demokratike e Shqipërisë është e vetmja e cila përmbush kriterin e numrit të mandateve, dhe lind e drejta për të propozuar anëtarin e katërt të GNV-ve.

Për sa më sipër në këtë relacion, Komisionerit Shtetëror të Zgjedhjeve, brenda kompetencave të veta dhe në respektim të detyrimeve e afateve ligjore të përcaktuara në ligjin nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, i paraqitet për shqyrtim dhe miratim projektvendimi “Për caktimin e partive politike që do të propozojnë anëtarin e tretë dhe të katërt të grupeve të numërimit të votave, për zgjedhjet e pjesshme për Kryetar të Bashkisë Kukës të datës 24 Shtator 2023”.

Erion Meta Drejtoria e Komisioneve dhe Materialeve Zgjedhore

Majlinda Çelmeta Drejtoria e Përgjithshme e Administrimit të Zgjedhjeve

Ylli MERKAJ Sekretar i Përgjithshëm



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data:09.2023

Nr:

Ora:

PROJEKTVENDIM

PËR

**CAKTIMIN E PARTIVE POLITIKE QË DO TË PROPOZOJNË ANËTARIN E TRETË DHE TË KATËRT
TË GRUPEVE TË NUMËRIMIT TË VOTAVE, PËR ZGJEDHJET E PJESSHME PËR KRYETAR TË
BASHKISË KUKËS TË DATËS 24 SHTATOR 2023**

Në mbështetje të nenit 19, pikat 1, shkronja “n” dhe 2, nenit 95, pika 2, dhe nenit 96, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar,

V E N D O S:

1. Partia politike e shumicës parlamentare, që ka të drejtë të propozojë anëtarin e tretë të Grupeve të Numërimit të Votave, për zgjedhjet e pjesshme për Kryetar të Bashkisë Kukës të datës 24 Shtator 2023, është Partia Socialiste e Shqipërisë.
2. Partia politike e opozitës parlamentare, që ka të drejtë të propozojë anëtarin e katërt të Grupeve të Numërimit të Votave, për zgjedhjet për organet e qeverisjes vendore të datës 14 Maj 2023, është Partia Demokratike e Shqipërisë.
3. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
4. Kundër këtij vendimi mund të bëhet ankim në Komisionin e Ankimimeve dhe Sanksioneve brenda 24 (njëzet e katër) orëve nga shpallja e tij.

Komisioneri Shtetëror i Zgjedhjeve

Ilirjan CELIBASHI

Data: ... 09.2023 Nr:
Ora:



“Për caktimin e partive politike që do të propozojnë anëtarin e tretë dhe të katërt të GNV-ve për zgjedhjet e pjesshme për Kryetar të Bashkisë Kukës të datës 24 Shtator 2023”